

Կազմված է «20» «դեկտեմբերի» 2019թ.

Բաղկացած է 12 թերթից

Ընդամենը 2 օրինակ

ՕՐԻՆԱԿ _____

ՀԱՍՏԱՏՎԱԾ Է

«ՄԻ ԱՅ ԷՆ ԷՖ ԱՐՑԱԽ»
ԲԱՐԵԳՈՐԾԱԿԱՆ ՀԻՄՆԱԴՐԱՄԻ միակ
հիմնադրի
թիվ 01 որոշմամբ
առ 20. 12. 2019թ.

Տնօրեն՝ Գայանե Գրիգորյան

20.12.2019թ.

ԳՐԱՆՑՎԱԾ Է

ԱՀ արդարադատության նախարարության
աշխատակազմի իրավաբանական անձանց
պետական ռեգիստրի գործակալության
կենտրոնական մարմնի կողմից

Գրանցման համար _____

Հ Վ Հ Հ _____

Գրանցման տարեթիվ _____

Գործակալության պետ

Գ.Մաքսիմովա

«ՄԻ ԱՅ ԷՆ ԷՖ ԱՐՑԱԽ» ԲԱՐԵԳՈՐԾԱԿԱՆ
ՀԻՄՆԱԴՐԱՄԻ

Կ Ա Ն Ո Ն Ա Դ Ր Ո Ւ Թ Յ Ո Ւ Ն

1. Ընդհանուր դրույթներ

1.1 «ՄԻ ԱՅ ԷՆ ԷՖ ԱՐՑԱԽ» ԲԱՐԵԳՈՐԾԱԿԱՆ ՀԻՄՆԱԴՐԱՄԸ (այնուհետև՝ Հիմնադրամ), քաղաքացիների և իրավաբանական անձանց կամավոր գույքային վճարների հիման վրա ստեղծված և անդամություն չունեցող, ոչ առևտրային, շահույթ ստանալու նպատակ չհետապնդող, ոչ կառավարական կազմակերպություն է, որը հետապնդում է կրթական, գիտական և այլ հանրօգուտ նպատակներ:

1.2. Հիմնադրամն իր գործունեության ընթացքում ղեկավարվում է Արցախի Հանրապետության Սահմանադրությամբ, Արցախի Հանրապետության քաղաքացիական օրենսգրքով (այնուհետև՝ Օրենսգիրք), «Հիմնադրամների մասին» Լեռնային Ղարաբաղի Հանրապետության օրենքով (այնուհետև՝ Օրենք), այլ օրենքներով, իրավական ակտերով և սույն կանոնադրությամբ:

1.3. Հիմնադրամի անվանումն է՝

հայերեն՝ «ՄԻ ԱՅ ԷՆ ԷՖ ԱՐՑԱԽ» ԲԱՐԵԳՈՐԾԱԿԱՆ ՀԻՄՆԱԴՐԱՄ
ռուսերեն՝ БЛАГОТВОРИТЕЛЬНЫЙ ФОНД “СИ АЙ ЭН ЭФ АРЦАХ”
անգլերեն՝ “CINF ARTSAKH” CHARITY FOUNDATION

1.4. Հիմնադրամի գործունեության ժամկետը չի սահմանափակվում:

1.5. Հիմնադրամի գտնվելու վայրն է՝ ԱՀ, ք.Ստեփանակերտ, Ազատամարտիկների փ., 2 9, բն. 17:

2. Հիմնադրամի հիմնադիրը

2.1. Հիմնադրամի միակ հիմնադիրն է՝ ««Քրիստոնյաներն կարիքի մեջ»» հիմնադրամը (Գրանցված է Կալիֆոռնիա նահանգի պետքարտուղարի կողմից 2013թ. նոյեմբերի 8-ին, գրանցման համար՝ 3617492, գտնվելու վայր՝ 535 Ն.Բրանդ բուլվար #255 Գլենդեյլ, Կալիֆոռնիա, ԱՄՆ), ի դեմս նախագահ՝ Ռիտա Մահդեսսիանի (ծնված 09.09.1959թ., անձնագրի համարը՝ 507654495, տրված 02.07.2013թ., Միացյալ Նահանգների Պետդեպարտամենտի կողմից, բնակ. վայր՝ ԱՄՆ, 535 Ն. Բրանդ բուլվար #255 Գլենդեյլ):

2.2. Հիմնադրամի հիմնադիրը՝

- որոշում է ընդունում Հիմնադրամի հիմնադրման մասին,
- հաստատում է Հիմնադրամի առաջին կանոնադրությունը,
- կազմավորում է Հիմնադրամի Հոգաբարձուների խորհրդի առաջին կազմը,
- նշանակում է Հիմնադրամի առաջին կառավարչին՝ տնօրենին,
- իրականացնում է Օրենքով և սույն կանոնադրությամբ սահմանված այլ իրավասություններ:

2.3. Հիմնադրամի միակ հիմնադրի կողմից սույն կանոնադրությամբ սահմանված իրավասությունները կատարելու անհնարիության դեպքում, դրանք իրականացվում են սույն կանոնադրությամբ սահմանված կարգով և Հիմնադրամի Հոգաբարձուների խորհրդի որոշմամբ:

3. Հիմնադրամի նպատակները

3.1 Ռ-ազմավարական խնդիրը.

-Արցախում կրթական, գիտական, մշակութային, սոցիալական, մարզական, առողջապահական և այլ հանրօգուտ նախագծեր ու ծրագրեր նախաձեռնելն ու իրականացնելը:

3.2. Հիմնադրամի գործունեության հիմնական նպատակները և ուղղություններն են.

-կրթական

-գիտամշակութային

-սոցիալական

-մարզական,

-առողջապահական

-այլ հանրօգուտ նախագծեր ու ծրագրեր նախաձեռնելն ու իրականացնելը:

3.3. Իր նպատակների իրականացման համար Հիմնադրամը կարող է համագործակցել ԱՀ օրենսդիր, գործադիր իշխանության, տարածքային կառավարման և տեղական ինքնակառավարման մարմինների, ԱՀ և օտարերկրյա իրավաբանական անձանց ու քաղաքացիների, միջազգային ոչ կառավարական կազմակերպությունների հետ, ինչպես նաև մասնակցել այլ կազմակերպությունների կողմից իրականացվող և Հիմնադրամի նպատակներին համահունչ ծրագրերի կատարմանը:

3.4. Հիմնադրամը իրավասու է զբաղվել ձեռնարկատիրական գործունեությամբ, որն անհրաժեշտ է հիմնադրամի հոչակած նպատակներին հասնելու համար:

4. Հիմնադրամի իրավունակությունը

4.1. Հիմնադրամը ստեղծված է համարվում օրենքով սահմանված կարգով պետական գրանցման պահից: Հիմնադրամի իրավունակությունը ծագում է դրա պետական գրանցման պահից և դադարում լուծարման պետական գրանցման պահից:

4.2. Հիմնադրամը իրավաբանական անձ է և ունի հիմնադիրների գույքից առանձնացված գույք, որը հաշվառվում է Հիմնադրամի ինքնուրույն հաշվեկշռում: Այն կարող է հաշվարկային և այլ հաշիվներ բացել Լեռնային Ղարաբաղի Հանրապետության և օտարերկրյա պետությունների բանկերում ՀՀ դրամով և (արտարժույթով):

4.3. Հիմնադրամն ունի իր անվանմամբ կլոր կնիք: Վերջինս կարող է պարունակել նաև Հիմնադրամի անվանումն այլ լեզուներով:

4.4. Հիմնադրամը կարող է ունենալ խորհրդանիշ, որի նկարագրությունը պետք է ներառվի Հիմնադրամի կանոնադրության մեջ՝ Հոգաբարձուների խորհրդի որոշմամբ սույն կանոնադրության մեջ համապատասխան փոփոխություն (կամ լրացում) կատարելու միջոցով:

4.5. Հիմնադրամն ունի սեփական առանձնացված գույք, կարող է իր անունից մասնակցել գույքային շրջանառությունում, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ և դատարանում հանդես գալ որպես հայցվոր կամ պատասխանող:

4.6. Լեռնային Ղարաբաղի Հանրապետությունը և համայնքները պատասխանատվություն չեն կրում Հիմնադրամի պարտավորությունների համար: Հիմնադրամը պատասխանատվություն չի կրում Լեռնային Ղարաբաղի Հանրապետության և համայնքների պարտավորությունների համար:

4.7. Հիմնադրամն իր պարտավորությունների համար պատասխանատու է իրեն պատկանող ամբողջ գույքով:

4.8. Հիմնադիրների՝ Հիմնադրամին հանձնած գույքը, ինչպես նաև Հիմնադրամի գործունեության արդյունքում ձեռք բերված գույքը և ստացված եկամուտը Հիմնադրամի սեփականությունն է: Հիմնադրամն իրավունք ունի տիրապետել, օգտագործել և տնօրինել իրեն պատկանող գույքը՝ սույն կանոնադրությամբ սահմանված նպատակներով:

4.9. Հիմնադրամը պատասխանատվություն չի կրում իր հիմնադիրների, իսկ հիմնադիրները պատասխանատվություն չեն կրում իրենց ստեղծած Հիմնադրամի պարտավորությունների համար:

4.10. Հիմնադրամը պարտավոր է յուրաքանչյուր տարի Օրենքի 39-րդ հոդվածում սահմանված կարգով հրապարակել՝

-հաշվետվություն իր գործունեության մասին,

-ֆինանսական հաշվետվությունների վերաբերյալ աուդիտն իրականացնող անձի /աուդիտորի/ եզրակացությունը, եթե Հիմնադրամի ակտիվների արժեքը գերազանցում է 10 միլիոն դրամը, կամ Օրենքով սահմանված չափը:

4.11. Հիմնադրամը կարող է ձեռնարկատիրական գործունեություն իրականացնել միայն այն դեպքերում, երբ դա ծառայում է Հիմնադրամի կանոնադրական նպատակների իրականացմանը, որոնց համար Հիմնադրամը ստեղծվել է և համապատասխանում է այդ նպատակներին: Հիմնադրամը ձեռնարկատիրական գործունեություն կարող է իրականացնել անձամբ կամ այդ նպատակով ստեղծել տնտեսական ընկերություններ կամ լինել դրանց մասնակից:

4.12. Հիմնադրամի սեփականությունը չի կարող օգտագործվել ի շահ իր հիմնադիրների, Հիմնադիրների մարմինների անդամների, ինչպես նաև Հիմնադրամի աշխատողների, բացառությամբ աշխատողների աշխատավարձի և Հիմնադրամի մարմինների անդամների պարտականությունների կատարմամբ պայմանավորված՝ փոխհատուցման ենթակա ծախսերի:

4.13. Հիմնադրամն իրավունք ունի՝

- անարգել տարածել տեղեկություններ իր գործունեության մասին,
- հիմնադրել մամուլի և զանգվածային լրատվության այլ միջոցներ,
- ստեղծել ներկայացուցչություններ, մասնաճյուղեր և հիմնարկներ,
- ստեղծել պատկերասրահներ, թանգարաններ, կազմակերպել ցուցահանդեսներ,
- իրականացնել օրենքով չարգելված այլ գործունեություն:

4.14. Հիմնադրամն իր գործունեությունն իրականացնում է ժողովրդավարության, մարդասիրության, կամավորության և հրապարակայնության սկզբունքների հիման վրա:

4.15. Հիմնադրամը քաղաքացիական իրավունքները ձեռք է բերում ու իրականացնում իր կամքով և ի շահ իրեն:

Հիմնադրամն ազատ է պայմանագրի հիման վրա սահմանելու իր իրավունքները և պարտականությունները, որոշելու պայմանագրի՝ Լեռնային Ղարաբաղի Հանրապետության օրենսդրությանը չհակասող ցանկացած պայման:

4.16. Հիմնադրամն ունի օրենքով չարգելված բոլոր եղանակներով իր քաղաքացիական իրավունքների պաշտպանության իրավունք:

4.17 Հիմնադրամն իրավունք ունի օրենքով սահմանված կարգով իրականացնել հետևյալ ձեռնարկատիրական գործունեությունները.

- խորհրդատվական ծառայությունների իրականացում
- ուսումնական դասընթացների կազմակերպում
- հրատարակչական գործունեություն
- մանրածախ և մեծածախ առևտրի կազմակերպում
- շինարարություն
- տրանսպորտային գործունեություն
- բնակչության կենցաղային ծառայությունների իրականացում
- գյուղատնտեսություն:

5. Հիմնադրամի հնարավոր շահառուների խմբերը

5.1. Հիմնադրամի հնարավոր շահառուներ են համարվում ֆիզիկական և իրավաբանական այն անձինք, որոնց օգտին, սույն կանոնադրությանը համապատասխան, կարող են կատարվել որոշակի վճարումներ, մատուցվել ծառայություններ կամ նրանց փոխանցվել Հիմնադրամի գույքի որոշ մասեր:

6. Հիմնադրամի գույքը

6.1. Հիմնադրամը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով: Հիմնադրամի սեփականության իրավունքի օբյեկտներն են՝

- ա/գույքը՝ ներառյալ դրամական միջոցները, արժեթղթերը և գույքային իրավունքները, թ/աշխատանքները և ծառայությունները,
- գ/տեղեկատվությունը,

դ/մտավոր գործունեության արդյունքները՝ ներառյալ դրանց նկատմամբ բացառիկ իրավունքները (մտավոր սեփականություն),

ե/ոչ նյութական բարիքները,

զ/գույքային իրավունքները այդ թվում՝ գրավի իրավունքը, գույքի օգտագործման իրավունքը, սերվիտուտները:

6.2. Հիմնադրամի սեփականության ներքո կարող է գտնվել ցանկացած գույք, բացառությամբ գույքի առանձին տնտեսների, որոնք օրենքին համապատասխան չեն կարող պատկանել իրավաբանական անձանց: Հիմնադրամի սեփականության ներքո գտնվող գույքի քանակն ու արժեքը չեն սահմանափակվում, բացառությամբ օրենքով նախատեսված դեպքերի:

6.3. Հիմնադրամի գույքի արժեքն արտացոլվում է Հիմնադրամի ինքնուրույն հաշվեկշռում:

6.4. Հիմնադրամի գույքի ձևավորման աղբյուրներն են՝

6.4.1. Հիմնադրամի հիմնադիրների կանոնավոր և (կամ) միանվագ գույքային վճարները,

6.4.2. այլ անձանց նվիրատվությունները և նվիրաբերությունները,

6.4.3. արժեթղթերից, ինչպես նաև ավանդներից ստացված շահույթը /տոկոսները/,

6.4.4. գործունեության արդյունքում ստացված եկամուտը,

6.4.5. դրամաշնորհները,

6.4.6. Հիմնադրամի և իր ստեղծած կամ իր մասնակցությամբ տնտեսական ընկերությունների ձեռնարկատիրական գործունեությունից ստացված միջոցները,

6.4.7. հանգանակությունները՝ միջոցներ, որոնք ստացվում են դրանց կուտակմանն ուղղված գործունեությունից /մշակութային և այլ միջոցառումների միջոցով գումարների հայթայթում/,

6.4.8. Արցախի Հանրապետության օրենսդրությամբ չարգելված այլ միջոցները:

6.5. Հիմնադրամն օրենքով և սույն կանոնադրությամբ սահմանված կարգով իր հայեցողությամբ տիրապետում, տնօրինում և օգտագործում է սեփականության իրավունքով իրեն պատկանող գույքը, այդ թվում՝ կարող է իր գույքը որպես սեփականություն օտարել այլ անձանց, նրանց փոխանցել այդ գույքի տիրապետման, տնօրինման և օգտագործման իրավունքները, գույքը գրավ դնել կամ տնօրինել այդ եղանակով:

6.6. Արցախի Հանրապետության տարածքում Հիմնադրամի սեփականությունը գտնվում է Արցախի Հանրապետության պաշտպանության ներքո:

6.7. Հիմնադրամի սեփականությունը կարող է բռնագանձվել միայն դատական կարգով՝ օրենքով նախատեսված դեպքերում:

7. Հիմնադրամի ղեկավար մարմինները

7.1. Հիմնադրամն իր գործունեությունն իրականացնում է իր մարմինների միջոցով:

Հիմնադրամի մարմիններն են՝

1/Հոգաբարձուների խորհուրդը,

2/կառավարիչը /տնօրենը/:

7.2. Հիմնադրամի կառավարման բարձրագույն և գործունեության նկատմամբ վերահսկողություն իրականացնող մարմինը Հիմնադրամի Հոգաբարձուների խորհուրդն է:

7.3. Հիմնադրամի Հոգաբարձուների խորհուրդն կազմված է 3 անդամից:

7.4. Հիմնադրամի Հոգաբարձուների խորհրդի առաջին կազմի անդամները նշանակվում են Հիմնադրամի հիմնադիրների կողմից:

7.5. Հիմնադրամի Հոգաբարձուների խորհուրդը՝

7.5.1. վերահսկողություն է իրականացնում Հիմնադրամի գույքի նպատակային օգտագործման, ինչպես նաև Հիմնադրամի կառավարչի գործունեության նկատմամբ,

7.5.2. կարող է ցանկացած տեղեկություններ ու հաշվետվություն պահանջել Հիմնադրամի տնօրենից և այլ աշխատողներից,

7.5.3. իրավունք ունի քննելու և լուծելու Հիմնադրամի գործունեությանն առնչվող ցանկացած հարց, բացառությամբ Հիմնադրամի հիմնադիրների տնօրենի իրավասությանը վերապահվածների:

7.6. Հիմնադրամը պարտավոր է ամեն տարի գումարելի Հիմնադրամի Հոգաբարձուների խորհրդի նիստ:

7.7. Հիմնադրամի Հոգաբարձուների խորհրդի տարեկան նիստերը գումարվում են յուրաքանչյուր ֆինանսական տարվա ավարտից երկու ամիս անց՝ ոչ ուշ, քան 60 (վաթսուն) օրվա ընթացքում:

7.8. Հիմնադրամի Հոգաբարձուների խորհրդի հերթական և արտահերթ նիստերը հրավիրվում են խորհրդի նախագահի կողմից: Հոգաբարձուների խորհրդի նիստերը կարող են հրավիրվել նաև Հոգաբարձուների խորհրդի անդամների 1/3 պահանջով՝ Հոգաբարձուների խորհրդի նախագահի կողմից՝ համապատասխան պահանջը ներկայացնելուց 30 օրվա ընթացքում: Եթե նշված ժամկետում Հոգաբարձուների խորհրդի նախագահը նիստ չի հրավիրում, ապա նիստ կարող են հրավիրել նման պահանջ ներկայացրած անձինք:

7.9. Հիմնադրամի Հոգաբարձուների խորհրդի նախագահը և համանախագահները ընտրվում են Հիմնադրամի Հոգաբարձուների խորհրդի անդամների թվից՝ Հիմնադրամի հիմնադիրների առաջարկությամբ:

Հիմնադրամի Հոգաբարձուների խորհրդի նախագահը՝

ա/գումարում է խորհրդի նիստեր,

բ/նախագահում է խորհրդի նիստերին,

գ/կազմակերպում է Հոգաբարձուների խորհրդի աշխատանքները՝ համակարգելով խորհրդի անդամների և Հիմնադրամի տնօրենի գործունեությունը,

դ/կազմակերպում է խորհրդի նիստերի արձանագրությունների վարումը,

ե/իրականացնում է օրենքով և սույն կանոնադրությամբ սահմանված այլ իրավասություններ:

7.10. Հիմնադրամի Հոգաբարձուների խորհրդի նիստերում յուրաքանչյուր անդամ ունի մեկ ձայնի իրավունք:

7.11. Հիմնադրամի Հոգաբարձուների խորհրդի բացառիկ իրավասությանն են պատկանում

7.11.1. Հիմնադրամի կանոնադրության մեջ փոփոխություններ և լրացումներ կատարելը, նոր լավբազրությամբ կանոնադրությունը հաստատելը,

7.11.2. Հիմնադրամի թագնավարական ծրագրերը, գույքի տնօրինման հիմնական ուղղությունները և կարգը հաստատելը,

7.11.3. Հիմնադրամի բյուջեի և նրա փոփոխությունների, տարեկան ֆինանսական հաշվետվությունների և հիմնադրամի գործունեության հաշվետվությունները, հաշվապահական հաշվեկշիռները հաստատելը,

7.11.4. Հիմնադրամի վերակազմակերպման մասին որոշում ընդունելը,

7.11.5. Տնտեսական ընկերությունների ստեղծման կամ դրանցում մասնակցության, ինչպես նաև առանձնացված ստորաբաժանումների և հիմնարկների ստեղծման ու դրանց կանոնադրությունների հաստատման մասին որոշումներ ընդունելը, դրանց աշխատանքի տարեկան արդյունքների հաստատելը,

7.11.6. Հիմնադրամի ֆինանսատնտեսական գործունեությունը վերահսկելը,

7.11.7. Հիմնադրամի ներկայացմամբ Հիմնադրամի Հոգաբարձուների խորհրդի նախագահի, անդամի, տնօրենի և նրանց լիազորությունները վաղաժամկետ դադարեցնելու մասին որոշումներ ընդունելը,

7.11.8. Հիմնադրամի տնօրենի հաշվետվությունների լսումը տարեկան մեկ անգամ,

7.11.9. Իր որոշումների կատարման ընթացքի վերահսկումը,

7.11.10. Հիմնադրամի ներկայացմամբ և սույն կանոնադրությամբ նախատեսված դեպքերում Հոգաբարձուների խորհրդի անդամ ընդունելը և Հոգաբարձուների խորհրդի անդամների լիազորությունները վաղաժամկետ դադարեցնելու մասին որոշումներ ընդունելը,

7.11.11. Հիմնադրամի աուդիտ իրականացնող անձի (աուդիտորի) ընտրությունը,

7.11.12. Օրենքով, սույն կանոնադրությամբ նախատեսված, ինչպես նաև Հիմնադրամի տնօրենին չվերապահված այլ լիազորությունների իրականացումը:

7.12. Հիմնադրամի Հոգաբարձուների խորհրդի նիստը կարող է հարցեր քննարկել և որոշումներ ընդունել, եթե դրան մասնակցում է խորհրդի անդամների կեսից ավելին:

7.13. Հոգաբարձուների խորհրդի որոշումներն ընդունվում են Հոգաբարձուների խորհրդի անդամների ընդհանուր թվի ձայների մեծամասնությամբ:

8. Հոգաբարձուների խորհրդի անդամները

8.1. Հիմնադրամի Հոգաբարձուների խորհրդի անդամ կարող են լինել 18 տարին լրացած գործունակ ֆիզիկական անձինք: Հիմնադրամի Հոգաբարձուների խորհրդի անդամների լիազորությունների ժամկետը 2 տարի է:

Հիմնադրամի Հոգաբարձուների խորհրդի անդամները չեն կարող լինել Հիմնադրամի այլ մարմնի անդամ, տնօրեն:

8.2. Հոգաբարձուների խորհրդի անդամն իրավունք ունի՝

ա/առաջարկություն ներկայացնելու Հիմնադրամի միջոցների օգտագործման վերաբերյալ,

բ/հետևելու Հիմնադրամի գույքի պահպանմանը, ինչպես նաև գործունեության իրականացմանը, ծանոթանալու Հիմնադրամի փաստաթղթերին,

գ/Հիմնադրամի աշխատանքները բարելավելու նպատակով վերջինիս կառավարման մարմիններին ներկայացնելու առաջարկություններ,

դ/ստանալու սպառիչ տեղեկատվություն Հիմնադրամի գործունեության մասին,

ե/դուրս գալու խորհրդի անդամությունից:

8.3. Հիմնադրամի Հոգաբարձուների խորհրդի անդամը պարտավոր է՝

ա/ներկա գտնվել Հիմնադրամի Հոգաբարձուների խորհրդի նիստին և մասնակցել քվեարկությանը, նիստին մասնակցելու անհնարինության դեպքում նիստի գումարման օրվանից երկու օր առաջ այդ մասին գրավոր տեղեկացնել խորհրդի նախագահին՝ ներկայացնելով իր դիրքորոշումը,

բ/հոգալ Հիմնադրամի հեղինակության բարձրացման մասին,

գ/աջակցել հիմնադրամի գույքի համալրմանը,

դ/շխայտել սույն կանոնադրության պահանջները:

- 8.4. Հիմնադրամի Հոգաբարձուների խորհրդի անդամի լիազորությունը դադարում է՝
- 8.4.1. նրա գրավոր դիմումի հիման վրա՝ դիմումը ներկայացնելու հաջորդ օրվանից,
- 8.4.2. նրա կողմից իր պարտականությունները պատշաճ չկատարելու դեպքում՝ Հոգաբարձուների խորհրդի մնացած անդամների ձայների առնվազն երեք քառորդով,
- 8.4.3. եթե Հոգաբարձուների խորհրդի նիստերին նրա մասնակցելը դարձել է անհնարին, կամ մահվան դեպքում,
- 8.4.4. լիազորությունների ժամկետի ավարտման դեպքում՝ Հոգաբարձուների խորհրդի նոր կազմի ընտրության նիստին հաջորդող օրվանից:
- 8.5. Սույն կանոնադրության 8.4. կետով սահմանված դեպքերում նոր անդամ(ներ)ի ընտրության համար թեկնածու(ներ) են առաջադրում Հիմնադիրները, իսկ եթե Հիմնադիրները գոյություն չունեն, կամ Հոգաբարձուների խորհրդի անդամի թափուր տեղ առաջանալու օրվանից 30 օրվա ընթացքում նրանք թեկնածու չեն առաջադրում, ապա այդպիսի առաջարկություն կարող է անել Հիմնադրամի Հոգաբարձուների խորհրդի անդամներից յուրաքանչյուրը:
- 8.6. Հիմնադրամի Հոգաբարձուների խորհրդի անդամի թափուր տեղ առաջանալու օրվանից ոչ ուշ, քան 10 օրվա ընթացքում Հիմնադիրները պետք է պատշաճ ձևով տեղեկացված լինեն:
- 8.7. Հիմնադրամի Հոգաբարձուների խորհրդի անդամների ընտրության սույն կանոնադրությամբ չնախատեսված իրավահարաբերությունները կարգավորվում են Օրենքի 23-րդ հոդվածով սահմանված կարգով:
- 8.8. Հոգաբարձուների խորհրդի անդամները խորհրդի աշխատանքներին մասնակցելու համար չեն վարձատրվում:
- 8.9. Հոգաբարձուների խորհրդի աշխատանքներին խորհրդակցական ձայնի իրավունքով կարող են մասնակցել Հոգաբարձուների խորհրդի պատվավոր նախագահը, պատվավոր համանախագահները և պատվավոր անդամները: Հիմնադրամի գործունեությանը նշանակալի նպաստ բերած հեղինակավոր և անվանի անձանց Հոգաբարձուների խորհրդի պատվավոր նախագահի, պատվավոր համանախագահի և պատվավոր անդամի կոչումներ շնորհում է Հոգաբարձուների խորհուրդը՝ սույն կանոնադրության 7.13 կետով սահմանված կարգով:

9. Հիմնադրամի Հոգաբարձուների խորհրդի նիստի օրակարգը

- 9.1. Հիմնադրամի Հոգաբարձուների խորհրդի յուրաքանչյուր անդամ իրավունք ունի Հիմնադրամի Հոգաբարձուների խորհրդի նիստի օրակարգի վերաբերյալ ներկայացնել ցանկացած թվով առաջարկներ նիստի գումարումից առաջ 30 /երեսուն/ օրվա ընթացքում:
- 9.2. Օրակարգի վերաբերյալ առաջարկները ներկայացնում են գրավոր՝ նշելով անդամի անունը, ազգանունը և առաջարկի հիմնավորումը:
- 9.3. Հիմնադրամի տնօրենը կազմում և Հիմնադրամի Հոգաբարձուների խորհրդի բոլոր անդամներին է տրամադրում տարեկան, ինչպես նաև արտահերթ նիստի օրակարգը և օրակարգին առնչվող փաստաթղթերը (դրանց պատճենները):

10. Հիմնադրամի տնօրենը

- 10.1. Հիմնադրամի ընթացիկ գործունեության ղեկավարումն իրականացնում է հիմնադրամի տնօրենը (միանձնյա), որին, հիմնադիրների ներկայացմամբ, ընտրում և պաշտոնից ազատում է Հոգաբարձուների խորհուրդը /բացառությամբ սույն կանոնադրության 2.3 կետով սահմանված դեպքի/:
- Տնօրենի իրավունքներն ու պարտականությունները սահմանվում են Օրենսգրքով, Օրենքով, սույն կանոնադրությամբ և նրա հետ կնքված պայմանագրով: Հիմնադրամի անունից պայմանագիրը ստորագրում է Հոգաբարձուների խորհրդի նախագահը կամ Հոգաբարձուների խորհրդի լիազորած այլ անձ:
- 10.2. Հիմնադրամի տնօրենը՝
- 10.2.1. առանց լիազորագրի հանդես է գալիս Հիմնադրամի անունից,
- 10.2.2. տնօրինում է Հիմնադրամի գույքը՝ ներառյալ ֆինանսական միջոցները,
- 10.2.3. Հիմնադրամի անունից կնքում և կատարում է գործարքներ,
- 10.2.4. տալիս է լիազորագրեր,
- 10.2.5. իր իրավասության սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը,

10.2.6. սահմանված կարգով աշխատանքի է ընդունում և աշխատանքից ազատում Հիմնադրամի աշխատակիցներին,

10.2.7. աշխատակիցների նկատմամբ կիրառում է խրախուսման և կարգապահական պատասխանատվության միջոցներ,

10.2.8. բանկերում բացում է Հիմնադրամի հաշվարկային (ներառյալ՝ արտարժույթային) և այլ հաշիվներ,

10.2.9. Հոգաբարձուների խորհրդի հաստատմանն է ներկայացնում Հիմնադրամի աշխատանքային ներքին կանոնակարգը, առանձնացված ստորաբաժանումների, հիմնարկների ու Հիմնադրամի կողմից միանձնյա հիմնադրվող տնտեսական ընկերությունների կանոնադրությունները, Հիմնադրամի վարչակազմակերպչական կառուցվածքը, հաստիքացուցակը,

10.2.10. կազմակերպում է Հոգաբարձուների խորհրդի որոշումների կատարումը:

10.3. Հիմնադրի առաջարկությամբ և Հիմնադրամի Հոգաբարձուների խորհրդի որոշմամբ Հիմնադրամի տնօրենին կարող են վերապահվել նաև այլ իրավասություններ:

10.4. Հիմնադրամի տնօրենը այլ կազմակերպություններում կարող է վճարովի պաշտոններ զբաղեցնել միայն Հոգաբարձուների խորհրդի համաձայնությամբ:

10.5. Հոգաբարձուների խորհուրդն իրավունք ունի ցանկացած ժամանակ լուծարել տնօրենի հետ կնքված պայմանագիրը՝ օրենքով, սույն կանոնադրությամբ և տվյալ պայմանագրով սահմանված կարգով.

10.6. Անձը, որն օրենքի կամ սույն կանոնադրության ուժով հանդես է գալիս Հիմնադրամի անունից, պետք է գործի բարեխղճորեն և ողջամիտ՝ ի շահ Հիմնադրամի: Նա պարտավոր է հատուցել իր կողմից Հիմնադրամին պատճառված վնասները, եթե օրենքով այլ բան նախատեսված չէ:

11. Հիմնադրամի կանոնադրությունը փոփոխելը և լրացնելը

11.1. Հիմնադրամի կանոնադրությունում փոփոխությունները և լրացումները կատարվում են հիմնադրի առաջարկությամբ, Հիմնադրամի Հոգաբարձուների խորհրդի որոշմամբ՝ ԼՂՏ օրենսդրությամբ սահմանված կարգով:

11.2. Եթե Հիմնադրամի կանոնադրությունն անփոփոխ պահելը հանգեցնում է այնպիսի հետևանքների, որոնք հնարավոր չէր կանխատեսել Հիմնադրամը ստեղծելիս, իսկ Հիմնադրամի Հոգաբարձուների խորհուրդը չի փոփոխում Հիմնադրամի կանոնադրությունը, ապա Հիմնադրամի կանոնադրությունում փոփոխությունները կատարում է դատարանը Հիմնադրամի մարմինների դիմումի հիման վրա:

12. Հիմնադրամի մասնաճյուղերը, ներկայացուցչությունները և հիմնարկները

12.1. Հիմնադրամն իրավունք ունի Օրենսգրքի, Օրենքի, այլ օրենքների ու իրավական ակտերի պահանջներին համապատասխան՝ ստեղծել մասնաճյուղեր, ներկայացուցչություններ և հիմնարկներ:

12.2. Հիմնադրամի կողմից օտարերկրյա պետություններում մասնաճյուղերի, ներկայացուցչությունների և հիմնարկների ստեղծումն իրականացվում է մասնաճյուղերի, ներկայացուցչությունների և հիմնարկների գտնվելու վայրի՝ երկրի օրենքներին և այլ իրավական ակտերին համապատասխան, եթե այլ բան նախատեսված չէ Լեռնային Ղարաբաղի Հանրապետության միջազգային պայմանագրերով:

12.3. Ներկայացուցչությունը Հիմնադրամի գտնվելու վայրից դուրս տեղակայված նրա առանձնացված ստորաբաժանումն է, որը ներկայացնում է Հիմնադրամի շահերը և իրականացնում դրանց պաշտպանությունը:

12.4. Մասնաճյուղը Հիմնադրամի գտնվելու վայրից դուրս տեղակայված նրա առանձնացված ստորաբաժանումն է, որն իրականացնում է նրա բոլոր գործառնությունները կամ դրանց մի մասը՝ ներառյալ ներկայացուցչության գործառնությունները:

12.5. Հիմնարկը կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար Հիմնադրամի ստեղծած կազմակերպությունն է:

12.6. Ներկայացուցչությունները, մասնաճյուղերն ու հիմնարկներն իրավաբանական անձինք չեն ու գործում են Հիմնադրամի հաստատած կանոնադրության հիման վրա:

12.7. Ներկայացուցչությունների, մասնաճյուղերի ու հիմնարկների գույքը տրամադրվում է Հիմնադրամի կողմից: Ներկայացուցչությունների, մասնաճյուղերի ու հիմնարկների գույքի արժեքն

արտացոլվում է ինչպես դրանց առանձին հաշվեկշիռներում, այնպես էլ Հիմնադրամի հաշվեկշիռում և համարվում է Հիմնադրամի սեփականությունը:

12.8.Ներկայացուցչությունների, մասնաճյուղերի ու հիմնարկների ղեկավարները նշանակվում են Հիմնադրամի տնօրենի կողմից ու գործում վերջինիս տված լիազորագրերի հիման վրա:

12.9.Ներկայացուցչությունների, մասնաճյուղերի ու հիմնարկների գործունեության համար գույքային պատասխանատվություն է կրում Հիմնադրամը:

13. Հիմնադրամի Հոգաբարձուների խորհրդի նիստի արձանագրությունը

13.1. Հիմնադրամի Հոգաբարձուների խորհրդի նիստի արձանագրությունը կազմվում է Հիմնադրամի Հոգաբարձուների խորհրդի նիստի ավարտից հետո՝ ոչ ուշ, քան 5 (հինգ) օրվա ընթացքում առնվազն 2 օրինակով, որը ստորագրում են տվյալ նիստին մասնակցող բոլոր անդամները:

13.2. Հիմնադրամի Հոգաբարձուների խորհրդի նիստի նախագահողը պատասխանատվություն է կրում արձանագրությունում առկա տեղեկությունների հավաստիության համար:

13.3. Հիմնադրամի Հոգաբարձուների խորհրդի նիստի արձանագրության մեջ նշվում են՝

1. նիստի գումարման տարին, ամիսը, ամսաթիվը և վայրը,
2. նիստին մասնակցելու իրավունք ունեցող անձանց քանակը,
3. նիստին մասնակցած անդամների քանակը,
4. նիստին հրավիրվածների անունները,
5. նիստի օրակարգը:

13.4. Արձանագրությունը պետք է պարունակի նիստում կայացած ելույթների հիմնական դրույթները, քվեարկության դրված հարցերը, այդ հարցերի վերաբերյալ քվեարկության արդյունքները, նիստի ընդունած որոշումները:

13.5. Հիմնադրամի Հոգաբարձուների խորհրդի նիստերը էլեկտրոնային փոստի կամ կապի այլ միջոցների կիրառմամբ անցկացնելու դեպքում, հնարավոր կարգով ընդունված որոշմանը կցվում են քվեարկության դրված հարցերի վերաբերյալ խորհրդի անդամների դիրքորոշումը հավաստող գրավոր ապացույցներ, բացառությամբ հեռախոսակապի միջոցով ընդունված որոշումների:

14. Ծահագրգռությունը Հիմնադրամի գործարքներում

14.1. Հիմնադրամի՝ այլ կազմակերպությունների կամ քաղաքացիների հետ գործարքներ կնքելու և դրանք կատարելու մեջ շահագրգիռ անձ են համարվում, Հիմնադրամի Հոգաբարձուների խորհրդի անդամները, Հիմնադրամի տնօրենը (նրա տեղակալը), Հիմնադրամի այլ պաշտոնատար անձինք, եթե նշված անձինք՝

14.1.1. գործարքի կողմ կազմակերպությունների հետ գտնվում են աշխատանքային հարաբերությունների մեջ,

14.1.2. հանդիսանում են այդ կազմակերպության մասնակից,

14.1.3. այդ կազմակերպության պարտատերերն են,

14.1.4. գործարքի կողմ քաղաքացիների հետ գտնվում են մերձավոր ազգակցական կապերի մեջ /փոխկապակցված անձինք/, այսինքն՝ նրանց ծնողը, ամուսինը, զավակը, եղբայրը, քույրը, ամուսնու ծնողը, զավակը, եղբայրը և քույրը,

14.1.5. հանդիսանում են այդ քաղաքացիների պարտատերը,

14.2. Ծահագրգիռ անձինք պարտավոր են պահպանել Հիմնադրամի շահերը և չօգտագործել կամ թույլ տալ Հիմնադրամի հնարավորություններն օգտագործելու այլ նպատակների համար, բացի Հիմնադրամի կանոնադրությամբ նախատեսված նպատակներից:

14.3. Այն դեպքերում, երբ անձը շահագրգռություն ունի այն գործարքում, որում կողմ է կամ կողմ դառնալու մտադրություն ունի, ապա շահագրգիռ անձը պարտավոր է մինչև գործարքը կնքելու մասին որոշում ընդունելը Հիմնադրամի Հոգաբարձուների խորհրդին տեղյակ պահել իր շահագրգռության մասին:

Տվյալ գործարքին պարտադիր կերպով պետք է հավանություն տան Հիմնադրամի հիմնադիրները կամ վեջիններիս առաջարկով Հոգաբարձուների խորհուրդը՝ խորհրդի բոլոր անդամների ձայների երկու երրորդով: Ընդ որում գործարքում շահագրգռություն ունեցող խորհրդի անդամը քվեարկությանը չի մասնակցում:

14.4.Նշված պայմանների խախտումով կնքված գործարքը կարող է դատարանով անվավեր ճանաչվել շահագրգիռ անձանց /Հիմնադրամի Հոգաբարձուների խորհրդի մեկ կամ մի քանի անդամների/ դիմումի համաձայն:

14.5.Շահագրգիռ անձը պատասխանատվություն է կրում Հիմնադրամի առջև՝ Հիմնադրամին պատճառած վնասների չափով: Եթե վնասը պատճառվել է մի քանի անձանց կողմից, ապա Հիմնադրամի առջև կրում են համապարտ պատասխանատվություն:

15. Հիմնադրամի գործունեության վերահսկողությունը

15.1. Հիմնադրամի ֆինանսատնտեսական գործունեության վերահսկողությունն իրականացնում է աուդիտն իրականացնող անձը /աուդիտորը/, որն ընտրվում է Հիմնադրամի Հոգաբարձուների խորհրդի կողմից հիմնադիրների ներկայացմամբ:

15.2. Հիմնադրամի աուդիտն իրականացնող անձը /աուդիտորը/ իրավունք ունի կատարել Հիմնադրամի ֆինանսատնտեսական գործունեության ստուգումներ և ծանոթանալ Հիմնադրամի գործունեության բոլոր փաստաթղթերին:

15.3. Հիմնադրամի աուդիտն իրականացնող անձի (աուդիտորի) պահանջով Հիմնադրամի տնօրենը պարտավոր է տրամադրել անհրաժեշտ տեղեկատվություն, տալ պարզաբանումներ:

15.4. Հիմնադրամի աուդիտն իրականացնող անձը (աուդիտորը), ստուգում է Հիմնադրամի տարեկան հաշվետվությունները և հաշվապահական հաշվեկշիռը, դրանց վերաբերյալ տալիս է նզրակացություն:

15.5. Հիմնադրամի Հոգաբարձուների խորհուրդը հաստատում է Հիմնադրամի տարեկան ֆինանսական հաշվետվությունները, հաշվապահական հաշվեկշիռը՝ Հիմնադրամի աուդիտն իրականացնող անձի (աուդիտորի) նզրակացության ավայրայամբ, եթե Հիմնադրամի ակտիվների արժեքը գերազանցում է 10 միլիոն դրամը կամ Օրենքով սահմանված չափը:

15.6. Հիմնադրամի աուդիտն իրականացնող անձը /աուդիտորը/ պարտավոր է առաջարկել գումարելու Հիմնադրամի Հոգաբարձուների խորհրդի արտահերթ նիստ, եթե՝

15.6.1. վտանգ է սպառնում Հիմնադրամի շահերին.

15.6.2. հայտնաբերել են Հիմնադրամի պաշտոնատար անձանց կողմից կատարված չարաշահումներ:

15.7. Հիմնադրամի հիմնադրի պահանջով, անհրաժեշտության դեպքում, կարող է ներգրավվել անկախ աուդիտոր՝ Հիմնադրամի ֆինանսատնտեսական գործունեությունը վերստուգելու նպատակով:

15.8. Հիմնադրամի աուդիտորի ծախսերի հատուցման կարգը, ինչպես նաև նրա վարձատրության չափը սահմանում է Հիմնադրամի Հոգաբարձուների խորհուրդը:

15.9. Հիմնադրամի կողմից Օրենքի պահանջների կատարման նկատմամբ վերահսկողությունը, համաձայն Օրենքի 38-րդ հոդվածի, իրականացնում է Լեռնային Ղարաբաղի Հանրապետության արդարադատության նախարարությունը, իսկ օրենքով նախատեսված դեպքերում՝ նաև այլ, իրավասու պետական մարմինները՝ իրենց իրավասությունների և ստուգումների ու ուսումնասիրությունների՝ օրենքով նախատեսված ընթացակարգերին համապատասխան:

16. Հաշվապահական հաշվառումը և ֆինանսական հաշվետվությունը

16.1. Հիմնադրամը Լեռնային Ղարաբաղի Հանրապետության օրենսդրությամբ սահմանված կարգով վարում է հաշվապահական հաշվառում և ներկայացնում ֆինանսական ու վիճակագրական հաշվետվություններ:

16.2. Հիմնադրամի տնօրենը պատասխանատվություն է կրում Հիմնադրամի հաշվապահական հաշվառման կազմակերպման, դրա վիճակի և հավաստիության, տարեկան հաշվետվության, ֆինանսական և վիճակագրական հաշվետվությունները պետական մարմիններին ժամանակին ներկայացնելու, ինչպես նաև Հիմնադրամի Հոգաբարձուների խորհրդին ու այլ անձանց տրամադրվող տեղեկությունների հավաստիության համար՝ օրենքին, իրավական այլ ակտերին և սույն կանոնադրությանը համապատասխան:

16.3. Հիմնադրամի վարչակառավարական ծախսերի հաշվառումը պետք է կատարվի Հիմնադրամի այլ ծախսերից առանձնացված կարգով:

17. Աշխատանքային հարաբերությունները

17.1. Հիմնադրամի աշխատակիցների և Հիմնադրամի միջև աշխատանքային հարաբերությունները կարգավորվում են աշխատանքային և քաղաքացիական օրենսդրության

նորմերով և կարող են ձևակերպվել ինչպես աշխատանքային, այնպես էլ վճարովի ծառայությունների մատուցման քաղաքացիաիրավական պայմանագրերի ձևով:

17.2. Հիմնադրամն իրավունք ունի աշխատողներ ներգրավել համատեղության կարգով:

17.3. Հիմնադրամի տնօրենը ինքն է որոշում աշխատողների՝ աշխատանքի ընդունելու և աշխատանքից ազատելու կարգը, աշխատանքի վարձատրության ձևը և չափը, աշխատանքային օրվա շեմինը, հանգստյան օրեր և արձակուրդ տրամադրելու կարգը և համաձայնեցնում է Հոգաբարձուների խորհրդի հետ:

17.4. Հիմնադրամի տնօրենը ապահովում է օրենքով երաշխավորված աշխատանքի վարձատրության նվազագույն չափը, աշխատանքային պայմանները և աշխատակիցների սոցիալական ապահովագրությունը:

18. Հիմնադրամի փաստաթղթերի պահպանումը

18.1. Հիմնադրամը պարտավոր է Լեռնային Ղարաբաղի Հանրապետության օրենսդրությամբ սահմանված ժամկետների ընթացքում պահպանել՝

18.1.1. Հիմնադրամի պետական գրանցման վկայականը, կանոնադրությունը, կանոնադրության մեջ կատարված փոփոխություններն ու լրացումները, նոր խմբագրությամբ կանոնադրությունը, հիմնադրամի մասին հիմնադրի որոշումը,

18.1.2. Հիմնադրամի հաշվեկշռում արտացոլված գույքի նկատմամբ Հիմնադրամի գույքային իրավունքները հավաստող փաստաթղթերը,

18.1.3. Հիմնադրամի Հոգաբարձուների խորհրդի հաստատած ներքին փաստաթղթերը.

18.1.4. Հիմնադրամի մասնաճյուղերի, ներկայացուցչությունների և հիմնարկների կանոնադրությունները,

18.1.5. Հիմնադրամի տարեկան հաշվետվությունները,

18.1.6. Հիմնադրամի հաշվապահական հաշվառման փաստաթղթերը,

18.1.7. պետական մարմիններ ներկայացվող ֆինանսական և վիճակագրական հաշվետվությունները,

18.1.8. Հիմնադրամի Հոգաբարձուների խորհրդի նիստերի արձանագրությունները,

18.1.9. կնքած պայմանագրերը,

18.1.10. ֆինանսատնտեսական և այլ գործունեությանն առնչվող փաստաթղթերը,

18.1.11. Լեռնային Ղարաբաղի Հանրապետության օրենսդրությամբ նախատեսված այլ փաստաթղթեր,

18.1.12. վերը թվարկված բոլոր փաստաթղթերը պահվում են Հիմնադրամի գրասենյակում:

19. Հիմնադրամի վերակազմավորումը և լուծարումը

19.1. Հիմնադրամը կարող է վերակազմակերպվել միայն Հիմնադրամի միացման և միաձուլման ձևով:

Հիմնադրամի վերակազմակերպումը կատարվում է Հիմնադրամի Հոգաբարձուների խորհրդի միաձայն որոշմամբ՝ Օրենսգրքով և Օրենքով սահմանված կարգով:

19.2. Հիմնադրամի լուծարմամբ նրա գոյությունը (գործունեությունը) դադարում է առանց դրա իրավունքներն ու պարտականությունները իրավահաջորդության կարգով այլ անձանց անցնելու:

19.3. Հիմնադրամը լուծարելու մասին որոշում կարող է ընդունել միայն դատարանը՝ շահագրգիռ անձանց դիմումով:

19.4. Հիմնադրամը կարող է լուծարվել, եթե՝

19.4.1. Հիմնադրամի գույքը բավարար չէ նրա գործունեության իրականացման համար և անհրաժեշտ գույք ստանալու հնարավորությունն իրական չէ,

19.4.2. Հիմնադրամի կողմից իր կանոնադրությամբ նախատեսված նպատակներից շեղվելու դեպքում,

19.4.3. հնարավոր չէ հասնել Հիմնադրամի նպատակներին և հնարավոր չէ կատարել այդ նպատակների անհրաժեշտ փոփոխություններ,

19.4.4. Հիմնադրամի գործունեությունը վտանգում է պետական և հասարակական անվտանգությունը, հասարակական կարգը, հանրության առողջությունն ու բարքերը, այլոց իրավունքներն ու ազատությունները,

19.4.5. Հիմնադրամը թույլ է տվել օրենքի բազմակի կամ կոպիտ խախտումներ կամ պարբերաբար իրականացրել է իր կանոնադրական նպատակներին հակասող գործունեություն,

19.4.6. Հիմնադրամն ստեղծելիս հիմնադիրը թույլ է տվել օրենքի էական խախտումներ կամ կեղծիքներ:

19.4.7. Լեռնային Ղարաբաղի Հանրապետության օրենսդրությամբ նախատեսված այլ հիմքերով:

19.5. Դատարանի կողմից հիմնադրամի լուծարման մասին որոշում ընդունելուց հետո հիմնադրամի հոգաբարձուների խորհուրդը նշանակում է լուծարման հանձնաժողով (լուծարող) և սահմանում է լուծարման կարգը և ժամկետները:

19.6. Հիմնադրամի լուծարման գործընթացում գտնվելու մասին տեղեկությունները, ներառյալ՝ լուծարման գործընթացի սկիզբը և ավարտը, լուծարման հանձնաժողովի կազմը, ենթակա են գրանցման իրավաբանական անձանց պետական գրանցամատյանում՝ լուծարման հանձնաժողովի դիմումի հիման վրա, օրենքով սահմանված կարգով:

19.7. Լուծարման հանձնաժողովի նշանակման պահից նրան են անցնում Հիմնադրամի կառավարման լիազորությունները:

Հիմնադրամի անունից դատարանում հանդես է գալիս լուծարային հանձնաժողովը:

19.8. Լուծարման հանձնաժողովը իրավաբանական անձանց պետական գրանցման մասին տվյալներ հրապարակող մամուլում հայտարարություն է զետեղում Հիմնադրամի լուծարման և պարտատերերի պահանջների ներկայացման կարգի և ժամկետի մասին: Այդ ժամկետը չի կարող պակաս լինել երկու ամսից՝ սկսած լուծարման մասին հրապարակման պահից, որը համարվում է Հիմնադրամի լուծարման գործընթացի սկիզբ:

19.9. Լուծարման հանձնաժողովն իրականացնում է գույքի վերագնահատումը, միջոցներ է ձեռնարկում պարտատերերի հայտնաբերման և դեբիտորական պարտքերի ստացման ուղղությամբ, ինչպես նաև տեղեկացնում է պարտատերերին Հիմնադրամի լուծարման մասին:

19.10. Լուծարման ընթացքում Հիմնադրամն իրավունք ունի կնքել նոր գործարքներ և ստանձնել նոր պարտավորություններ՝ միայն իր պարտավորությունները կատարելու համար անհրաժեշտ ընթացիկ գործունեությունն ավարտելու անհրաժեշտության դեպքում:

19.11. Պարտատերերի կողմից պահանջներ ներկայացնելու ժամկետը լրացնելուց հետո լուծարման հանձնաժողովը կազմում է միջանկյալ լուծարման հաշվեկշիռ, որում տեղեկություններ են պարունակվում լուծարվող Հիմնադրամի գույքի կազմի, պարտատերերի ներկայացրած պահանջների ցանկի և դրանց քննարկման արդյունքների վերաբերյալ:

19.12. Դրամական միջոցների վճարումը պարտատերերին կատարվում է լուծարման հանձնաժողովի կողմից, Օրենսգրքի 70-րդ հոդվածով սահմանված հերթականությամբ և լուծարման միջանկյալ հաշվեկշիռն համապատասխան՝ սկսած դրա հաստատման պահից:

19.13. Հիմնադրամի գույքի ամբողջական բաշխումն իրականացնելուց հետո լուծարման հանձնաժողովը կազմում է լուծարման հաշվեկշիռ և ներկայացնում հիմնադրամի հոգաբարձուների խորհրդի հաստատմանը: Լուծարման հանձնաժողովը հիմնադրամի հոգաբարձուների խորհրդի հաստատած լուծարման հաշվեկշիռը ներկայացնում է դատարանի հաստատմանը:

19.14. Հիմնադրամը համարվում է լուծարված, իսկ նրա գոյությունը՝ դադարած, պետական գրանցման պահից: